



大事記解題卷十二

宋 東 萊 呂 祖 謙

伯 恭 撰



漢孝武皇帝建元六年春正月乙未遼東高廟災夏四月壬子高園便殿火

解題曰天火曰災人火曰火按董仲舒傳仲舒為江

都相中廢為中大夫

中大夫秩雖卑乃宿衛親近之官而謂之中廢者蓋有眷寵則

為要地無眷寵則為散地耳

先是遼東高廟長陵高園便殿災

顏師

古曰凡言便殿便室便坐者非是正殿之處所以就便安也園者于陵上作之既有正寢以象平生正就

大事記解題

卷十二

又立便殿為休息間宴之處

仲舒居家推說其意草藁未上

謂之先是

則仲舒之草奏非今歲也五行志載其奏曰天災若語陛下視親戚貴屬在諸侯遠征最甚者忍而誅之

如吾燔遼東高廟乃可視近臣在國中處旁反及貴而不正者忍而誅之如吾燔高園殿乃可云爾五行

志又云先是淮南王安入朝始與帝舅太尉武安侯田蚡有逆言元朔六年乃發覺而伏辜時田蚡已死

不及誅士思仲舒前言使仲舒弟子呂步舒持斧滅治淮南獄以灌夫告田蚡與淮南王交通之事觀之

其謀夫人皆知之仲舒憂國之深故因天變而獻言然傳會已甚又犯不密之戒此其所以得罪也

父偃候仲舒私見嫉之

蓋主父偃為中大夫時也

竊其書而奏焉

上召視諸儒仲舒弟子呂步舒不知其師書以為大



愚于是仲舒吏當死詔赦之仲舒遂不敢復言災異  
五月丁亥太皇太后竇氏崩  
解題曰按外戚傳竇太后好黃帝老子言景帝及諸  
竇不得不讀老子尊其術太后後景帝六歲凡立五  
十一年元光六年崩合葬霸陵

六月癸巳丞相許昌免以武安侯田蚡爲丞相絀黃老  
之言復申刑名百家之禁延文學儒者以百數

解題曰武帝卽位之初已罷申韓蘇張之言至于黃

大事記解題

卷十二

二

老以竇太后之故未敢廢也至是始禁之按史記儒  
林傳武帝卽位趙綰王臧之屬明儒學而上亦鄉之  
于是招方正賢良文學之士自是之後言詩于魯則  
申培公于齊則轅固生于燕則韓太傳言尙書自濟  
南伏生言禮自高堂生言易自菑川田生言春秋子  
齊魯自胡毋生于趙自董仲舒及竇太后崩武安侯  
田蚡爲丞相絀黃老刑名百家之言延文學儒者數

百人

聞越王郢攻南越遣大行王恢大司農韓安國擊之聞越王弟餘善殺郢謝罪立無諸孫丑爲越繇王餘善爲東越王

解題曰武帝卽位以來舉兵者再矣三年嚴助浮海之役以竇太后在上尙未敢以虎符發兵也及是歲竇太后旣崩遂命兩九卿將兵十萬見淮南王安疏分兩道擊閩越其志益肆矣然是兩役者皆兵未血刃而功已成此武帝所以益輕用兵與使用兵之初卽遇堅

大事記解題 卷三

敵未必不爲天下之福也

以東海太守汲黯爲主爵都尉

解題曰按史記本傳黯以父任孝景時爲太子洗馬以莊見憚孝景帝崩太子卽位黯爲謁者遷爲滎陽令黯恥爲令歸田里上聞乃召拜爲中大夫以數切諫不得久畱內遷爲東海太守黯學黃老之言治官理民好清靜擇丞史而任之其治責大指而已不苛小罪謂多病臥閨內不出歲餘東海大治稱之上聞召



以爲主爵都尉列于九卿治務在無爲而已引大體

不拘文法

當是時武帝方招文學儒者而質實皆有愧于治黃老之汲黯此吾道所以不興也

黯內行修潔好直諫數犯主之顏色常慕傅伯

應劭傳

伯梁人爲孝王將素伉直

袁盎之爲人也

盎名爲強直而實則任數黯之忠懲知慕其直

而已不知其他也故盎之虛不足以害黯之實

善灌夫鄭當時及宗正劉棄

亦以數直諫不得久居位當是時太后弟武安侯蚡

爲丞相中二千石來拜謁蚡不爲禮

按本傳蚡以爲諸侯王多長上

初卽位富於春秋蚡以肺腑爲相非痛折節以禮屈之天下不肅

然黯見蚡未嘗拜

### 大事記解題

#### 卷十一

四

常揖之天子方招文學儒者上曰吾欲云云黯對曰

陛下內多欲而外施仁義奈何欲效唐虞之治乎

教

胡氏曰人君莫大於修身而修身莫先於寡欲欲誠不行則心虛而善入氣平而理勝動無非理事無不

善唐虞之治不越此矣

上默然怒變色而罷公卿皆爲黯懼上

退謂左右曰甚矣汲黯之戇也

亮其心也

### 與匈奴和親

解題曰王恢之議實探帝意所以屈于韓安國者蓋

帝重違衆議而姑許之和親也故間一歲有馬邑之

役焉

遣唐蒙通西南夷置犍爲郡

解題曰按地理志犍爲郡武帝建元六年開應劭曰故夜郎國今嘉州又按西南夷列傳建元六年大行王恢擊東越東越殺王郢以報恢因兵威使番禺合

唐蒙風指曉南越南越食蒙蜀枸醬

徐廣曰枸一作苟音婁漢書音

義曰枸木似穀樹其葉似桑葉用其葉作醬酢美蜀人以爲珍味

蒙問所從來曰道

西北牂柯牂柯江廣數里出番禺城下蒙歸至長安

大事記解題

卷十一

五

問蜀賈人賈人曰獨蜀出枸醬多持竊出市夜郎夜

郎者臨牂柯江江廣百餘步足以行船南越以財物

役屬夜郎西至同帥然亦不能臣使也蒙乃上書說

上曰聞夜郎所有精兵可得十餘萬浮船牂柯江出

其不意此制越一奇也誠以漢之疆已蜀之饒通夜

郎道爲置吏甚易上許之乃拜蒙爲郎中將將千人

食重萬餘人從已蜀笮關入遂見夜郎侯多同蒙厚

賜喻以威德約爲置吏使其子爲令夜郎旁小邑皆



貪漢繒帛以爲漢道險終不能有也乃且聽蒙約還報乃以爲犍爲郡

漢孝武皇帝元光元年冬十一月初令郡國舉孝廉  
解題曰按董仲舒傳仲舒對策推明孔氏抑出百家  
立學校之官州郡舉茂林材孝廉皆自仲舒發之此舉  
孝廉秀才之始也猶有鄉舉里選諸侯貢士之遺法  
焉自漢至隋時有汗隆法有臧否其源流要出于古  
至煬帝始變之

大事記解題

卷上

六

五月詔舉賢良文學帝親策之

解題曰本紀曰于是董仲舒公孫弘等出焉按公孫  
弘元光五年擢第猶在此詔後若董仲舒帝卽位之  
初以賢良對策拜江都相中廢爲中大夫坐論高廟  
高園殿災下吏皆在此詔前本紀誤矣

天星盡搖

解題曰按天文志元光中天星盡搖上以問候星者  
對曰星搖者民勞也

主父偃徐樂嚴安上書言事皆以爲郎中

解題曰三子論征伐四夷之害與時事背馳武帝亟召見獎擢之蓋所以開忠諫之路廣異同之議也世言窮兵黷武者必曰秦皇漢武使三子者奏疏于始皇之朝必干誹謗之辟矣一存一亡其分在此

主父偃書

曰夫久兵則變生苦則慮易使邊境之民生靡敝愁苦將吏則疑而外市尉佗章邯得成其私而秦政不行權分二子此得失之效也故周書曰安危在出令存亡在所用願陛下熟計之而加察焉嚴安書曰今中國無狗吠之警而外累于遠方之備靡敝國家非所以子民也夫兵久而變起事煩而慮生今外郡之

大事記解題

卷十一

七

地或幾千里列城數十形束壞制帶脇諸侯非宗室之利也上觀齊晉所以亡公室卑削六卿大盛也下覽秦之所以滅刑嚴文刻欲大無窮也今守郡之權非特六卿之重也千幾千里非特閭巷之資也甲兵器械非特棘矜之用也以達萬世之變則不可勝諱此皆通鑑所不載

通鑑載于元朔

之年蓋附見于分封諸侯王子弟之前一年以主父偃竊奏著仲舒高園殿對考之高園殿火在建元六年距元朔改元八年若主父偃果以是年初召見前此未嘗見武帝安得竊奏仲舒草藁而奏之若召見親近之後方竊奏仲舒奏稿則仲舒亦不應追論七八



年前災異也况田蚡死已久仲舒所謂貴而不正者果何所指乎按主父偃傳元光元年西入關見衛將軍衛將軍數言上上不省資用乏畱久諸侯賓客多厭之乃上書闕下朝奏募召是歲去高園殿火纔一年耳仲舒之草奏論說蓋其時也偃方以口舌鼎貴忌仲舒能出己右而陷之亦好進者之常態今移三

子上書于此年之末庶幾于事爲合

主父偃傳載三子同時召見皆

拜郎中而徐樂傳載其所上書有略蔚州建城邑乃元朔元年通鑑或亦據亦然不若主父偃竊董仲舒

### 大事記解題

#### 卷十一

八

奏稿事歲月明白况徐樂傳載既上書後以爲騎馬令不云除郎中與主父偃傳不同未敢據也

漢武皇帝元光二年帝幸雍祠五時始親祠竈遣方士入海求蓬萊

解題曰按封禪書上鄉儒術招賢良趙綰王臧等以文學爲公卿欲議立明堂城南以朝諸侯草巡狩封禪改歷服色事未就會竇太后微伺得趙綰等奸利事召案綰臧自殺諸所興爲皆廢後六年竇太后崩其明年徵文學之士明年上初至雍郊見五時後常

三年一郊是時上求神君舍之上林中躡氏觀神君者長陵女子以子死見神于先後宛若宛若祠之其室民多往祠是時李少君亦以祠竈穀道却老方見上上尊之夫綰臧儒者也明堂盛禮也宛若妖巫也祠竈賤事也論其名則有邪正高下之殊論其實則皆出于帝之多欲而已司馬子長並載于封禪書而無所輕重其有旨哉

立太一祠

大事記解題

卷三

九

解題曰太一之名古無有也古之醫者觀八風之虛實邪正以治病因有太一九宮之說其說具于鍼經雖執技者支離漫衍浸失其本然尙止於于醫也合謬忌所奏太一方曰天神貴者太一太一佐曰五帝古者天子以春秋祭太一東南郊用太牢具七日爲壇開八通之鬼道是果安所從授哉

夏六月從王恢議將三十萬衆屯馬邑谷中誘擊單于不克恢下獄死



解題曰按列傳武帝卽位許和親約束厚遇關市饒  
給之匈奴自單于以下皆親漢往來長城下明年雁  
門馬邑豪聶壹因大行王恢言匈奴初和親親信邊  
可誘以利致之伏兵襲擊必破之道也

心欲掃滅匈奴者武帝也

而王恢獨先見之在朝主擊匈奴之議者王恢也而聶壹遠往副之樞機相應捷如影響帝乃召

問公卿曰朕飾子女以配單于幣帛文錦賂之甚厚  
單于待命加媢侵盜無已邊境數驚朕甚憫之今欲  
舉兵攻之何如

帝與王恢密謀後姑外盡衆議而已

大行恢對曰陛下

### 大事記解題

#### 卷二

十

雖未言臣固願效之臣聞全代之時北有強勁之敵  
內連中國之兵然尙得養老長幼種樹以時倉廩常  
實匈奴不輕侵也今以陛下之威海內一天下同  
任又遣子弟乘邊守塞轉粟輓輸以爲之備然匈奴  
侵盜不已者無他以不恐之故耳臣竊以爲擊之便  
漢固非一國之比然匈奴自冒頓之後視戰國時其強十倍矣此特一偏之說也御史大夫  
安國曰不然臣聞高皇帝嘗圍于平城匈奴至者投  
牽高如城者數所平城之饑七日不食天下歌之及

解圍反位而無忿怒之心大聖人以天下爲度者也  
不以已私怒傷天下之功故遣劉敬奉金千斤以結  
和親至今爲五世利孝文皇帝又嘗壹擁天下之精  
兵聚之廣武常谿然終無尺寸之功而天下黔首無  
不憂者孝文寤于兵之不可宿故復和親之約此二  
聖之迹足以爲效矣臣竊以爲勿擊便

高帝不報平城之圍特議

時宜耳非以天下爲度也婁敬和親之後邊塞亦被兵謂之至今爲五世利其辭亦過矣文帝三年十四年後五年皆嘗大調發以禦匈奴今乃謂壹擁天下之精兵而聚之廣武則沒其二矣或增其美或損其

### 大事記解題

#### 卷十一

十一

數豈足以折議者之口乎恢曰不然臣聞五帝不相襲禮三王不

相復樂非固相反也各因世宜也

凡欲變常者未嘗不以此藉口商鞅

趙武靈王皆嘗誦之矣

且高祖身被堅執銳蒙霧露沐霜雪行

幾十年所以不怨平城之報者非力不能所以休天

下之心也今邊境數警士卒傷死中國樞車相望此

仁人之所隱也臣故曰擊之便

守邊固時有死亡亦何至于惜車相望且

兵端一開積骨如莽獨非仁人所隱乎

安國曰不然臣聞利不十者不

易業功不百者不變常是以古之人君謀事必就祖



發政占古語

此兩語古之遺言  
祖卽謂祖廟也

重作事也且自三代

之盛夷狄不與正朔服色非威不能制強勿能服也  
以爲遠方絕地不收之民不足煩中國也且匈奴輕  
疾悍亟之兵也至如焱風去如收電畜牧爲業弧弓  
射獵逐獸隨草居處無常難得而制今使邊郡久廢  
耕織以支胡之常事其執不相權也臣故曰勿擊便  
恢曰不然臣聞鳳鳥乘于風聖人因于時昔秦穆公  
都雍地方三百里知時宜之變攻取西戎辟地千里

大事記解題

卷十二

十二

并國十四隴西北地是也及後蒙恬爲秦侵胡辟數

千里以河爲境累石爲城樹榆爲塞匈奴不能飲馬

于河置燧燧然後敢牧馬夫匈奴獨可以威服不可

以仁畜也今以中國之盛萬倍之資遺百分之一以

攻匈奴譬猶以強弩射且潰之癰也必不畱行矣若

是則北發月氏可得而臣也臣故曰擊之便

太史公曰世俗

之言匈奴者患其微一時權而務調納其說以偏指  
不參彼己將率席中國廣大氣奮人主因以決策是  
以建功不深  
其有旨哉  
安國曰不然臣聞用兵者以飽待饑正

治以待其亂定舍以待其勞故接兵覆衆伐國墮城  
常坐而役敵國此聖人之兵也且臣聞之衝風之衰  
不能起毛羽強弩之末不能入魯縞夫盛之有衰猶  
朝之必暮也今將卷甲輕舉深入長驅難以爲功從  
行則迫脅衝行則中絕疾則糧乏徐則後利不至千  
里人馬乏食兵法曰遺人獲也意者有他繆巧可以  
禽之則臣不知也不然則未見深入之利也臣故曰  
勿擊便恢曰不然夫草木遭霜者不可以風過清水

大事記解題

卷三

十三

明鏡不可以形逃通方之士不可以文亂今臣言擊  
之者固非發而深入也將順因匈奴之欲誘而致之  
邊吾選梟騎壯士陰伏而處以爲之備審遮除臣以  
爲其戒吾勢已定或營其左或營其右或營其前或  
絕其後單于可禽百全可取上曰善乃從馬恢議陰使  
聶壹爲間亡入匈奴謂單于曰吾能斬焉馬邑令丞以  
城隆財物可盡得單于信愛以爲然而許之聶壹乃  
詐斬死罪囚懸其頭馬邑城下視單于使者爲信曰



馬邑長吏已死可急來於是單于穿塞將十萬騎入武州塞當是時漢伏兵車騎材官三十餘萬匿馬邑旁谷中單于入塞未至馬邑百餘里覺之還去塞下傳言單于已去漢兵追至塞度弗及王恢等皆罷兵上怒恢不出擊單于輜重下恢廷尉廷尉當恢逗橈當斬恢行千金丞相蚡蚡言於太后上朝太后太后以蚡言告上上曰首爲馬邑事者恢故從其言爲此且單于縱不可得擊之猶頗可得以慰士大夫心今

大事記解題

卷十二

十四

不誅恢無以謝天下於是恢乃自殺

河水徙從頓丘東南流

解題曰河水遷徙無常此自西北而東南也按水經注碣石之山繩水出焉東流注于河河之入海舊在于此

漢司空掾王瓚言曰往昔天嘗連北風海水溢西南出侵數百里故張析云碣石在海中蓋澆

于海中也

今川流所導非禹瀆也周定王五年河徙故瀆

按班固曰商竭周移也

文以漢武帝元光二年河又徙東郡更注渤海頓丘

今開德府

瀋州

濮陽清豐兩縣漢勃海郡在勃海之瀆

今滄棣霸濱諸州之地是也所謂勃海者海之近此諸州者是也

夏五月河決濮陽瓠子注鉅野通淮泗汎郡十六

解題曰今開德府濮陽縣有瓠子口瓠子河名濟

州鉅野縣東北有大野澤卽鉅野也

漢孝武皇帝元光四年冬十二月殺魏其侯寶嬰

解題曰按列傳寶嬰已爲大將軍方盛田蚡爲諸曹

卽未貴往來侍酒嬰所跪起如子姪及蚡爲丞相嬰

大事記解題

卷十二

五

失寶太后益疏不用無勢諸公稍自引而怠驚唯灌

夫獨否故嬰墨墨不得意而厚遇夫也灌夫字仲孺

潁陰人也吳楚反時父戰死漢法父子俱有死事得

與喪歸夫不肯隨喪歸被甲持戟馳入吳軍至戲下

所殺傷數十人以此名聞天下武帝卽位以爲淮陽

天下郊勁兵處故徙夫爲淮陽太守

漢之要害郡入擇人如此

爲太僕徙爲燕相夫爲人剛直使酒諸勢在己之右

欲必陵之士在己左愈貧賤尤益禮敬與鈞家累數



千萬食客日數百人夫家居卿相待中賓客益衰顏師

古曰以夫居家而卿相待中素爲夫之賓客者漸以衰退不復往也及寶嬰失勢亦欲

倚夫引繩排根生平慕之後棄者夫亦得嬰通列侯

宗室爲名高夫之交貴威非特以夸世俗也亦以其家累數千萬非藉聲勢則不能立耳

兩人相爲引重其游如父子然未嘗有服過丞相蚡

蚡從容曰吾欲與仲孺過魏其侯會仲孺有服夫曰

將軍乃肯幸臨况魏其侯夫安敢以服爲解嬰夫以蚡之來

爲寵請語魏其具將軍旦日蚤臨欲聖其約也蚡許諾夫

### 大事記解題 卷十一

十六

以語嬰嬰與夫人益市牛酒夜酒掃張具至旦平明

令門下候伺至日中蚡不來嬰謂夫曰丞相豈忘之

哉夫不懌乃駕自往迎蚡蚡特前戲許夫殊無意往

夫至門蚡尚臥也子是夫見曰將軍昨日幸許過魏

其魏其夫妻治具至今未敢嘗食蚡悟謝曰吾醉忘

與仲孺言乃駕往往又徐言夫愈怒及飲酒酣夫起

舞屬蚡蚡不起夫徙坐語侵之嬰乃扶夫去謝蚡蚡

卒飲至夜極驩而去後蚡使籍福請嬰城南田不許

夫聞怒罵

福此所謂引繩排根也

福惡兩人有隙乃謾好謝蚡

蚡聞嬰夫實怒不予亦怒曰魏其子嘗殺人蚡活之

蚡事魏其無所不可愛數頃田且灌夫何與也吾不

敢復求田由此大怒元光三年

列傳作四年以本紀考之當在一年

蚡言灌夫家在隸川橫甚民苦之請案之上曰此丞

相事何請夫亦持蚡陰事為奸利受淮南王金與語

言賓客居間遂已俱解

淮南王語言蚡未死之前武帝終不聞

夏蚡取

燕王女為夫人太后詔召列侯宗室皆往賀嬰過夫

大事記解題

卷十二

七

欲與俱夫謝曰夫數以酒失過丞相丞相今者又與

夫有隙嬰曰事已解強與俱酒酣蚡起為壽坐者避

席伏已嬰為壽獨故人避席餘半膝席夫行酒至蚡

蚡膝席曰不能滿觴夫怒因嘻笑曰將軍貴人也畢

之時蚡不肯行酒次至臨汝侯灌賢賢方與程不識

耳語又不避席夫無所發怒乃罵賢曰平生毀程不

識不直一錢今日長者為壽乃效女曹兒咕囁耳語

蚡謂夫曰程李俱東西宮衛尉今眾辱程將軍仲孺



獨不爲李將軍地乎

蚡非誠重李廣特以嬰夫所辱故引之廣亦終爲衛青所殺蓋

田蚡衛青輩以外戚貴顯自知不爲天下所與雖貌敬豪傑而心實忌之也

夫曰今日斬

頭穴匈何知程李坐乃起更衣稍稍去嬰去戲夫夫

出蚡遂怒曰此吾驕灌夫罪也乃合騎畱夫夫不得

出藉福起爲謝案夫項令謝夫愈怒不肯順蚡乃戲

騎縛夫置傳舍召長吏曰今日召宗室有詔劾灌夫

罵坐不敬繫居室遂其共前事遣吏分曹逐捕諸灌氏

支屬皆得棄市罪

夫旣以雄豪自許故蚡亦以治雄豪之法處之

嬰言灌夫

### 大事記解題

卷十一

六

醉飽事不足誅上然之賜嬰食曰東朝廷辨之

如淳曰東

朝太后朝也

嬰東朝盛推夫善言其醉飽得過乃丞相以

他事誣罪之蚡盛毀夫所爲橫恣罪過不道嬰度無

可奈何因言蚡短蚡曰天下幸而安樂無事蚡得爲

肺附所好音樂狗馬田宅所愛倡優巧匠之屬不如

魏其灌夫日夜招聚天下豪傑壯士與論議腹誹而

心謗叩視天俛畫地辟睨兩宮間幸天下有變而欲

有大功臣乃不知魏其等所爲

以世情常情觀之嬰夫若可疑蚡若不足

忌然天子春秋鼎盛而許藩王以天位者乃在彼不在此也 上問朝臣兩人孰是

主爵都尉汲黯是魏其內史鄭當時是魏其後不堅

觀帝所怒則不學者獨鄭當時而已 餘皆莫敢對于是上使御史簿責

嬰所言灌夫頗不讎劾繫都司空顏師古曰都司空宗正屬官也見百

官表孝景時嬰常受遺詔曰事有不便以便宜論上嬰

乃使昆弟子上書言之幸得召見書案奏尙書大行

無遺詔嬰在景帝眷寵無二所受詔未必皆皆經尙書但失于防慮不請璽封耳 詔書獨

藏嬰家嬰家丞封乃劾嬰矯先帝詔書罪當棄市十

### 大事記解題

#### 卷三

十五

月悉論灌夫支屬嬰良久乃聞有劾卽陽病瘁不食欲死或聞上無意殺嬰復食治病議定不死矣乃有蜚語爲惡言聞上故以十二月晦論棄市渭城太史

公曰魏其武安皆以外戚重灌夫用一時決筴而名

顯魏其之舉以吳越武安之貴在日月之際漢書贊木此兩

句然魏其之舉以吳楚灌夫無術而不遜兩人相翼

乃成禍亂武安貴而好權杯酒責差陷彼兩賢者嗚

呼哀哉遷怒及人命亦不延衆庶不戴竟被惡言嗚



呼哀哉禍所從來遠矣

司馬子長喜豪俠故其辭感慨太過至于漢書並列嬰夫

毋無所輕重至謂凶德參會初未嘗辨三子之人品也獨所謂藉福區區其間惡能致斯敗之語爲有理

漢孝武皇帝元光五年冬十月河間王德來朝獻雅樂

春正月薨諡曰獻

解題曰按列傳河間獻王德修學好古實事求是

顏師

古曰務得事實每求真是也

從民得善書必爲好寫與之畱其負

加金帛賜以招之所得書皆古文先秦舊書周官尙

書禮樂記孟子老子之屬皆經傳說記七十子之徒

大事記解題

卷三

三

所論其學舉六藝立毛氏詩左氏春秋博士武帝時

獻王來朝獻雅樂

禮樂志云河間獻王以爲治道非禮樂不成因獻所集雅樂天子下

大樂官常存禁之歲時以備敷然不常御常御及却廟皆非雅聲至成帝時謁者常山王禹世受河間樂

能說其義其弟子宋華等上書言之下大夫博士平當等考試當以爲河間獻王聘求幽隱修興雅樂以

助化時大儒董仲舒等皆以爲音中正雅立之大樂春秋鄉射作于學宮希闕不講合華等守習孤學大

指歸于興助教化事下公卿以爲久遠難分明當議復寢立二十六年薨

巴蜀吏卒治西南夷道

解題曰按史記列傳夜郎聽唐蒙約還報乃以爲犍

爲郡發巴蜀卒治道自夔道指牂柯江

先建都名然後治道也

發巴蜀吏卒千人

上指也

郡又多爲發轉漕萬于人

轉

漕爲名多發人以治道也

用興法

漢書日用軍興法也

誅其渠帥巴蜀民人

驚恐上聞之乃使相如責唐蒙等因喻告巴蜀民以

非上意相如還報唐蒙治道二歲道不成士卒多物

故費以巨萬計

司馬相如傳稱唐蒙已略通夜郎因通西南夷道而本紀書治南夷道者

西南夷其總名也別而言之則夜郎南夷也印都與滇則西夷也

### 治雁門阻險

### 大事記解題

### 卷三

三

解題曰顏師古曰所以爲固用止匈奴之寇

### 乙巳皇后陳氏廢

解題曰按史記漢書外戚傳陳皇后母大長公主景

帝姊也數讓武帝姊平陽公主曰帝非我不得立而

棄捐吾女壹何不自喜而倍本矣平陽公主曰用無

子故廢耳陳皇后坐巫蠱祠祭祝詛賜策曰后皇失

序惑于巫祝不可以承天命其上巫綬退居長宮門

巫蠱之禍蓋始于此



以張湯爲大中大夫與趙禹定律令

解題曰按史記酷吏傳湯給事內史爲甯成掾以湯

爲無害言大府

顏師古曰大府丞相府也無害言其最勝也

調爲茂陵尉

治方中武安侯爲丞相徵湯爲史時薦言之天子補

侍御史使案事治陳皇后壺獄深竟黨與于是上以

爲能稍遷至大中大夫與大中大夫趙禹共定諸律

令作見知

張晏曰吏見知不舉劾爲故縱

吏傳得相監司

謂上下互相伺察也

用法益刻蓋自此始大中大夫宿衛之官而使之定

### 大事記解題

#### 卷三

三

律令武帝時近臣奪有司之職類如此

徵賢良文學擢公孫弘爲博士尋以爲左內史

解題曰按列傳武帝初卽位招賢良文學士是時弘

年六十以賢良徵爲博士使匈奴還報不合意上怒

以爲不能弘乃移病免歸元光五年復徵賢良文學

菑川國復推上弘弘謝曰前已嘗西用不能罷願更

選國人固推弘

當是時舉賢良者猶如此

弘至太常詔策諸儒弘

對曰臣聞之仁者愛也義者宜也禮者所履也智者

術之原也致利除害兼愛無私謂之仁明是非立可  
否謂之義進退有度尊卑有分謂之禮擅殺生之柄  
通壅塞之塗權輕重之數論得失之道使遠近情偽  
必見于上謂之術凡此四者治之本道之用也皆當  
設施不可廢也得其要則天下安樂法設而不用不  
得其術則主蔽于上官亂于下此事之情屬垂統業  
之本也弘雖歷叙仁義禮樂其實以智術為主所以深入帝心者正在此耳臣聞堯遭  
洪水使禹治未聞禹之有水也若湯之旱則桀之餘

大事記解題

卷三

三

烈也

是時河決瓠子未塞又有隕塞大風蜺之變故弘爲此說以諷武帝

時對者百餘

人太常奏弘第居下策奏天子擢弘對爲第一召見

容貌甚麗拜爲博士待詔金馬門

弘固嘗爲博士武帝以爲不能而告

歸距今未及十年其才術容有初未見察至于容貌則猶夫人也今或見其容貌甚麗者特喜怒變于內

觀瞻示後弘復上疏曰陛下有先聖之位而無先聖

之名有先聖之民而無先聖之吏是以勢同而治異

先世之吏正故其民篤今世之吏邪故其民薄政弊

而不行今倦而不聽夫使邪吏行弊政用倦令治薄



民民不可得而化此治之所以異也臣聞周公治

天下期年而變三年而化五年而定惟陛下之所志

因帝之喜又從而感動之書奏天子以冊書答曰問弘稱周公之

治弘之材能自視孰與周公賢弘對曰愚臣淺薄安

敢比材于周公雖然愚心曉然見治道之可以然也

其居之不疑如此夫虎豹馬牛禽獸之不可制者也及其教

訓服習之至可牽持駕服惟人之從臣聞揉曲木者

不累日銷金石者不累月夫人之于利害好惡豈比

大事記解題 卷三

禽獸木石之類哉期年而變臣弘尚竊遲之上異其

言時方通西南夷巴蜀苦之詔使弘視焉還奏事盛

毀西南夷無所用上不聽弘初見任使若遽為迎合之論其術淺迫為帝所窺

矣西南夷非帝之大欲雖極言不可亦不至大忤帝意此弘之所以敢為正論也其好深矣每朝

會議開陳其端使人主自擇不肯面折廷爭渾後之言引而

不發使人自悟固盛德之事也然至于事之追初亦

有時而犯顏逆旨矣蓋誠懇惻自不能已也至若弘

者特窺伺人主所獨為悅容而已于是上察其行慎厚敢于為詐非慎也忌刻深

險非厚也特為辨論有餘弘未嘗抵嘗奮詞言辭如

雲也特挑發其機而不盡

露故帝以爲有餘耳習文法吏事此吏者所難也緣飾以儒術此吏所難能也

而弘獨上說之一歲至左內史弘奏事有所不可兼之

肯庭辨常與主爵都尉汲黯請間黯先發之弘推其

後上常說所言皆聽以此日益親貴武帝深知黯之忠以爲社稷臣

故弘推使當其鋒亦其術也然弘本以順爲正何必求伸已之論哉蓋專爲悅容則人主親之而不敬之

專爲強直則人主敬之而不親之弘出入平兩者之間此所以日益親貴也嘗與公卿約

議至上前皆背其約以順指前所奏事有不可者非大忤帝意也故與汲黯

相上下意自附于忠讜至于武帝意之所必爲從之則可以取寵違之則可以取疎弘于是乎不暇顧其

大事記解題 卷十一

五

他汲黯庭詰弘曰齊人多詐而無情始爲與臣等建

此議今皆背之不忠上問弘弘謝曰夫知臣者以臣

爲忠不知臣者以臣爲不忠上然弘言黯之庭詰本無辭可答弘

之對汗漫不切帝遽然之者其意蓋日帝之所見既是我所不忍執迷遂非以害國事雖人以爲不忠不暇

恤也其所以蠱惑帝之心者深矣以帝之聰明豈全不察此特力欲排衆議而伸己欲樂其爲助耳不冠

之履寔萌弘爲人談笑多聞常稱以爲人主病不廣于此時也

大人臣病不儉節弘之此言爲百世之害養後母孝謹及後母

卒服喪三年自景帝短喪之後庭臣無有服三年喪者而弘乃服之其所以取重于帝者蓋



漢孝武皇帝元光六年冬初算商車

以此然未必不有爲而爲之也權寵之臣不肯一日離人主左右而弘乃服喪三年其所以自結者深矣

解題曰按本紀元狩四年初算緡錢平準書載公卿奏章曰異時算輅車賈人緡錢皆有差請算如故所謂異時卽指今年事也諸算如故者中間常罷之也武帝承文景富庶之後卽位甫一紀耳征利已至于此然則府庫之積其可恃哉興利之臣不知爲誰是時鄭當時爲大農以他日薦桑弘羊咸陽孔僅之事觀之益疑也政使非其建白要亦負奉行之責矣

春穿漕渠通渭

大事記解題

卷三

五

解題曰按河渠書是時鄭當時爲大農言曰異時關東漕粟從渭亭上度六月而罷而漕水道九百餘里時有難處引渭穿渠起長安並南山下至河三百餘里徑易渡漕可合三月罷而渠下民田萬餘頃又可得以溉田此損漕省卒而益肥關中之地得穀天子以爲然合齊人水工徐伯表悉發卒數萬人穿漕渠

三歲而通通以漕大便利其後漕種多而渠下之民  
願得以溉田矣

秋匈奴入上谷遣車騎將軍衛青出上谷騎將軍公孫  
敖出伐輕車將軍公孫賀出雲中驍騎將軍李廣出雁  
門廣敖失師賀亦無功惟青頗斬首虜賜爵關內侯

解題曰匈奴傳書秋漢使四將軍各萬騎擊敵而本  
紀書于春按匈奴常以秋冬入邊當以匈奴傳爲正  
本紀載敖雁門代郡軍士詔曰遭寇之方入將吏新

大事記解題

卷三

三

會上下未輯代郡將軍敖雁門將軍廣所任不肖校

尉又背義妄行棄軍而北

李廣傳云匈奴兵多  
破敗廣軍生得廣

此廣

敖所以敗也衛青以恩澤初爲將鑿下必皆精騎非

若敖廣所領新烏合之衆又所出適領不當強敵之

鋒故僅得首敵藉手以報是時武帝盛欲貴青使粗

應封爵之科則賞之者必不止于關內侯矣此功雖

不足道然出將之初衆皆被譴已獨見褒胆氣漸張

累出之捷實基于此



遣司馬相如通邛都置邛都尉十餘縣

解題曰按西南夷司馬相如傳相如喻告巴蜀還報是時邛笮之君長聞南夷與漢通得賞賜多多欲願爲內臣妾請使比南夷天子問栢如栢如言邛笮冉驪者近蜀道亦易通秦時嘗通爲郡縣至漢興而罷今誠復通爲置郡縣愈于南夷天子以爲然乃拜相如爲中郎將建節往使副使王然于壺充國呂越人馳四乘之傳因縣屬吏幣物以賂西夷畧定西夷邛

大事記解題

卷十一

天

笮冉驪斯榆之君皆請爲內臣除邊關關益斥西至

沫若水南至牂柯爲徼通零關道

徐廣曰越倚有零關縣

橋孫

水以通邛都爲置一都尉十餘縣屬蜀蜀郡也還報天

子天子大悅相如難蜀父老辭去漢興七十有八載

徐廣以爲元光元年蓋自高祖元年數之正當此數

延平陳氏曰唐蒙請通夜郎以制越武帝許之至巴

蜀民驚恐則曰非上意也知其舉動之非是以歸過

于下使相如還報深陳百姓之苦以成人君悔過之

美不亦善乎縱不能爾又陳邛笮以斥邊徼爲務夫  
太守郊迎縣令負弩先驅臨邛諸公囟門下交驥而  
卓王孫嘆尙其女之晚相如所以願有事于蜀也相如  
希指生事死又遺言封禪以諛上固無足言者然聞  
蜀長者言通西南夷不爲用相如欲諫業已建之不  
敢乃著書籍以風天子常稱病閒居未嘗肯與公卿  
國家之事則與嚴助主父偃輩役子權利者亦有間  
也

### 西南夷始置郵亭

解題曰按史記大事記南夷始置郵亭蓋唐蒙通西

### 大事記解題

#### 卷二

五

南夷治夜郎道始成故置郵亭比內郡焉

爲董偃置酒宣室中郎東方朔諫曰先室者先帝之正  
處也淫亂之漸其變爲篡詔更置酒北宮

解題曰淫亂之漸其變爲篡此至言也使武帝如陳  
靈則朔必于洩冶之誅矣董君之寵由是日衰此漢  
之所以未亡也通鑑載于元光五年按列傳年表堂  
邑侯陳午以孝文三年嗣侯尙館陶公主四十八年  
薨則五年午尙未死也今移于午薨之年

揚子或問  
東方生日



談達非夷齊而是下惠戒其子以尙容首陽爲杜柱  
下爲工飽食安坐以仕易農依隱玩世孟時不達其  
滑稽之雄乎臨川王氏詩曰平原狂先生隱窮世上  
塵才多不可數射覆亦絕險談辯最詠諧發足如有  
神以此得瓊幸賜子頗不貪金玉本光瑩浮洩豈能  
埋時時一恨主驚動漢廷臣不肯下兒童敢言詆平  
津何知夷與惠  
空復忤時人

漢孝武皇帝元朔元年冬匈奴盜邊以衛尉韓安國爲  
材官將軍屯漁陽

解題曰本紀書于去年之秋按匈奴傳去年秋漢使  
四將各萬騎擊敵其冬數千人盜邊漁尤陽甚是時

大事記解題

卷三

三

漢尙以十月爲歲首所謂其冬卽今年之歲首也又  
按韓安國傳徙爲衛尉而將軍衛青擊匈奴破龍城  
明年安國爲材官將軍屯漁陽與匈奴傳所載合今  
書于今年

十一月詔議二千石不舉孝廉者罪

解題曰按本紀詔曰公卿大夫所使總方畧一統類  
廣教化美風俗也夫本仁祖義褒德祿賢勸善刑暴  
五帝三王所繇昌也朕夙興夜寐嘉與宇內之士臻

於斯路故旅耆老復孝敬選豪俊講文學稽參政事  
祈進民心深詔執事興廉舉孝庶幾成風紹休聖緒  
夫十室之邑必有忠信三人並行厥有我師今或至  
闔郡而不薦一人是化不下究而積行之君子雍於  
上聞也二千石官長紀綱人倫將何以佐朕燭幽隱  
勸元元勵蒸庶崇鄉黨之訓哉且進賢受上賞蔽賢  
蒙顯戮古之道也其與中二千石禮官博士議不舉  
者罪有司奏議曰古者諸侯貢士壹適謂之好德再

大事記解題

卷十一

三

適謂之賢賢三適謂之有功乃加九錫

應劭曰一日車馬二日衣

服三日樂器四日朱戶五日納陛六日虎賁百人七日鉄鉞八日弓矢九日鉅鬯此皆天子制度尊之故

事事錫與但數少耳張晏曰九錫經本無文周禮以爲九命春秋說亦有之

不貢士壹則

黜爵再則黜地三則黜爵地畢矣夫附下罔上者死

附上罔下者刑與聞國政而無益於民者斥在上位而不能進賢者退此所以勸善黜惡也今詔書昭先帝聖緒令二千石舉孝廉所以化元元移風易俗也不舉孝不奉詔當以不敬論不察廉不勝任也當免



奏可

子據生春三月甲子立夫人衛氏爲皇后

解題曰按漢書外戚傳孝武衛皇后字子夫生微也其家號曰衛氏出平陽侯邑子夫爲平陽主謳者武帝初卽位數歲無子平陽主求諸良家子女十餘人飾置家武帝祓霸上還因過平陽王主見所侍美人上勿說旣飲謳上進上望見獨說衛子夫主因奏子夫奉送入宮凡生三女一男男名據于是立衛子夫

大事記解題

卷三

三

爲皇后

漢書外戚傳云元朔元年生男據遂立爲皇后

及衛后色衰趙之王

夫人幸有子爲齊王王夫人早卒而中山李夫人有寵有男一人爲昌邑王李夫人早卒其兄李延年以音幸號協律協律者故倡也及李夫人卒則有尹媿好之屬更有寵然皆以倡見非王侯有土之士女不可以配人主也司馬子長所以殷勤論此者蓋後宮必擇族類乃百王之大法治亂存亡之所從出其可忽哉及班孟堅潤色以爲外戚傳則多刊落之矣

赦天下

解題曰爲立皇后而下也按本紀詔曰朕聞天地不  
變不成施化陰陽不變物不暢茂易曰通其變使民  
不倦詩云九變復貫知言之選朕嘉唐虞而樂殷周

武帝未嘗不  
爲此言也

據舊以監新其赦天下與民更始諸道

貸及詞訟在孝景帝後三年以前皆勿聽治

武帝卽  
立以前

事皆不  
治也

秋匈奴入遼西漁陽雁門遣將軍衛青出雁門將軍李

大事記解題

卷三

三

息出代獲首數千級

解題曰按匈奴傳秋匈奴二萬騎入漢殺遼陽太守

畧二千餘人又敗漁陽太守軍千餘人圍將軍韓安

國安國時千餘騎亦且盡會燕救燕國至匈奴乃去

又入雁門殺畧千餘人于是漢使將軍衛青將三萬

騎出雁門李息出代郡得首級數千顆又按史記韓

安國傳安國捕生敵言匈奴遠去卽上書言方田作

時請且罷軍屯罷軍屯月餘匈奴大人上谷漁陽安



國壁乃有七百餘人出與戰不勝復入壁匈奴虜畧千餘人及畜產而去天子聞之怒使使責讓安國徙安國益東屯右北平是時匈奴虜言當入東方安國始爲御史大夫及護軍後稍斥疏下邳而新幸壯將軍衛青等有功益貴安國旣疏遠默默也將屯又爲匈奴所欺失亡多甚自愧幸得罷歸乃益東徙屯意忽忽不樂數月病吐血元朔二年中卒

京東歲君南閭等口二十八萬人降置蒼海郡

大事記解題

卷十二

三

解題曰按後漢東夷傳濊北興高句驪沃沮南與辰韓接東窮大海西至樂浪濊及沃沮句驪本皆朝鮮之地也漢初燕人衛滿自王朝鮮傳國王孫右渠元朔元年濊君南閭等畔右渠率二十八萬口詣遼東內屬武帝以其地爲蒼海郡數年乃罷武帝始南擊閩越次西通夜郎次北擊匈奴今年復受東夷濊君之降則四邊皆騷動矣

燕王定國有罪自殺國除

解題曰本紀通鑑載于二年按主父偃傳偃遷中大夫尊衛皇后及發燕王定國陰事偃有功焉大臣皆畏其口賂遣累千金元朔中偃言齊王內有淫失之行上拜偃爲齊相偃始爲布衣時嘗遊燕趙及其貴發燕事趙王恐其爲國患欲上書言其陰事爲居中不敢發及其爲齊相出關卽使人上書言其陰事告偃受諸侯金然則齊王燕王之死非一歲事也史記年表載齊王死于元年燕王死于二年今從之

大事記解題

卷三

三

漢孝武皇帝元朔二年冬賜淮南王濞川王几杖毋朝

解題曰淮南王安濞川王志也安淮南厲王子志齊

悼惠王子皆高帝孫而武帝之諸父行也是時衡山

王賜亦高帝諸孫而几杖之錫獨及二人者蓋安有

文學之名志有堅守不從七國之功也按年表濞川

王志以孝文十六年立元光五年薨今王乃其子建

嗣位之三年無由免其朝謁蓋志之賜几杖在前史

家并書于此時



